

Hoërskool Duineveld

Privaatsak X5886
Upington
8800
Tel. : 054 - 338 8222
Faks : 054 - 338 8288/99
E-pos: duineadmin@telkomsa.net

INTERNE SKOOLREëLS

1. AANTREE VIR KLASSE, BEWEGING IN GEBOUE (NOORD OF SUID) EN KLASWISSELING TUSSEN TWEE GEBOUE

- 1.1 Aan die begin van die skooldag (Dinsdag tot Vrydag) tree leerders onmiddellik nadat die klok gelui het, in reguit rye in registerklasse op die betonblad by die Suidsaal aan.
- 1.2 Aan die begin van die skooldag op Maandae en die einde van pouses tree leerlinge onmiddellik nadat die klok gelui het, in reguit rye voor die lokale waar hulle klas het, aan.
- 1.3 Met die verwisseling van klasse binne enige een van die twee geboue en wanneer leerders die skoolgeboue binnegaan of verlaat, beweeg hulle in enkel gelid. Geen gepraat of lawaai van enige aard, stampery, ens., word toegelaat nie.
- 1.4 Binne die geboue stap leerders aan die linkerkant van die gange. Met die verwisseling van klasse het die leerders wat reeds in die gang is, voorrang bo die wat 'n lokaal verlaat. Wanneer rye moet kruis, het die linkerkantse ry voorkeur om te stap.
- 1.5 Leerders wag buite klaskamers tot die onderwyser hulle toelaat om binne te gaan.

2. BINNE DIE KLASKAMER EN ANDER LOKALE

- 2.1 Slegs leerders wat spesiale skriftelike verlof het, mag gedurende pouses en voor skool klaskamers binnegaan. Geen leerder mag na skool enige gedeelte van die skoolgebou sonder verlof binnegaan nie.
- 2.2 Alle leerders mag soggens en tydens pouses hul tasse voor die lokaal gaan plaas waar hulle die eerste periode klas het of hulle mag hul tasse by hulle hou. Lokale word nie soggens oopgesluit nie. Elke personeellid moet self sy lokaal oopsluit aan die begin van die eerste periode.
- 2.3 Niemand mag die sale (Noord sowel as Suid) binnegaan sonder verlof of toesig nie.
- 2.4 Die toilette mag nie sonder verlof gedurende klaswisseling gebruik word nie. Tydens periodes sal leerders slegs in uitsonderlike gevalle toestemming van onderwysers kan verkry om die toilet te besoek. Leerders moet voor skool of tydens pouses hulle besoeke aan die toilet afhandel.
- 2.5 Daar is vasgestelde tye waarop leerders die mediasentrums mag besoek. Die reëls en gesag van die betrokke leerkrag moet gehoorsaam word. Reëls van mediasentrums moet gehoorsaam word.
- 2.6 Klaskamers, stoepe en die terrein moet netjies gehou word. Papiere, skille, boeke, ens. mag nie in die klaskamers rondgegooi word of in die banke gelaat word nie. Skooleiendom mag nie beskadig word nie.
- 2.7 Leerders moet flink opstaan wanneer die skoolhoof, 'n onderwyser of enige ander volwassene 'n klaskamer binnekom en verlaat.
- 2.8 Leerders mag nie die skool se klaviere sonder verlof gebruik nie. Slegs leerders wat musiek neem en wat verlof verkry het, mag die musiekkamer binnegaan of op die klaviere in die sale of ander lokale speel.

- 2.9 Leerders mag nie sonder verloop van die skoolhoof of ander betrokke onderwysers, kennisgewings op die kennisgewingsborde aanbring nie. Sulke kennisgewings moet deur die skoolhoof of betrokke onderwysers onderteken word.
- 2.10 Geen onderdele van rekenaars mag verwyder word of omgeruil word of huis toe geneem word nie.
- 2.11 Geen onweloweglike materiaal mag op die internet gekyk of afgelaai word nie.

3. OP DIE SKOOLTERREIN

- 3.1 Leerders mag nie pouses die skoolterrein verlaat of gesprekke aanknoop met persone in die straat nie. In die geval van siekte tydens die skooldag kan skriftelike toestemming verkry word van die skoolhoof of graadhoofde.
- 3.2 Leerders mag nie tydens pouses op Niemandslaan wees nie. Dit is verbode terrein, so ook die tennishof, koshuisterreine, koshuisgeboue, enige plek suid van die Suidgeboue, d.w.s. tussen die saal en skoolgebou, Suidsaal, hokkieveld, ens.
- 3.3 Tydens pouses mag leerders slegs op die volgende areas van die skoolterrein wees :
 - 3.3.1 Die bome langs die C-rugbyveld,
 - 3.3.2 Op die gras van die C-rugbyveld nie verder as die verste vertikale paal van die C-rugbyveld nie.
 - 3.3.3 Op die gras tussen die Suidgeboue en die meisieskoshuis (nie op die gras tussen die meisieskoshuis en die straat nie).
- 3.4 Daar mag nie met fietse op die skoolterrein gery word nie. Fietse moet gestoot word tot by skoolhekke. Fietse mag slegs (gesluit) in die rakke aan beide kante gelaat word.
- 3.5 Geen leerder word gedurende pouses in die areas toegelaat waar fietse, motorfietse of motors gehou word nie.
- 3.6 'n Leerder mag nie 'n selfaangedrewe voertuig op die skoolterrein bestuur nie.
- 3.7 Slegs dagskoliere mag motorfietse of motors op die skoolterrein parkeer. Slegs die voorgeskrewe parkeerarea vir motorfietse en motors mag gebruik word.
- 3.8 Rook en die gebruik van alkoholiese drank op die skoolterrein is ten sterkste verbode. Leerders mag nie enige alkoholiese drank of enige vorm van rookgoed (vuurhoutjies, sigaretaanstekers, sigarette ens.) by hulle of in skooltasse of op enige plek op die skoolterrein, hê nie.
- 3.9 Die besit en verspreiding van aanstootlike materiaal of leesstof op die skoolterrein is verbode.
- 3.10 Daar moet orde om die snoepwinkels heers en papiere, blikkies, ens, moet in die beskikbare houe geplaas word.
- 3.11 Leerders moet koeldranke en eetgoed voor die einde van pouse nuttig.
- 3.12 Dit word as 'n ernstige oortreding beskou om met 'n ander leerder se fiets, boeketas of eiendom te peuter, of dit sonder sy/haar toestemming te gebruik.
- 3.13 Afknouery, beledigings, spottery en gevaarlike speletjies word nie op die skoolterrein toegelaat nie.
- 3.14 Geen vorm van ontgroening (dopery) of iets dergelyks word toegelaat nie. Slegs die VRL onder die toesig van die verantwoordelike onderwysers mag met gr.8-leerders werk met skoolhoof se toestemming (slegs oriëntering - m.a.w. verkenning).
- 3.15 Leerders moet flink opstaan wanneer 'n volwassene of besoeker by hulle verby beweeg op die speelterrein.

4. BYWONING

- 4.1 Leerders moet teenwoordig wees van die eerste tot die laaste skooldag van die kwartaal.
- 4.2 Die skoolhoof is nie by magte om toestemming vir afwesigheid van leerders te gee nie. Slegs onder buitengewone omstandighede (bv. siekte, dood, ens.) mag die skoolhoof toestemming tot afwesigheid verleen. Skoolbywoning word streng gekontroleer en afwesigheid word aangeteken op leerders se persoonlike lêers. Gereelde afwesigheid (behalwe weens buitengewone omstandighede) sal reflekteer op getuigskrifte en ander verslae.
- 4.3 Briewe (nie telefoniese boodskappe nie) van ouers om verskoning aan te bied vir leerders se afwesigheid, moet op die EERSTE DAG as die leerder weer aanwesig is, na die skool gebring word. Fakse word aanvaar.
- 4.4 Leerders wat soggens laat kom vir skool, moet direk na hul klaskamers gaan. Die betrokke onderwyser moet dan self besluit of leerder na skoolhoof verwys moet word.
- 4.5 Alle tandarts-, doktersafsprake, sowel as ander afspraak moet vir tye na skoolure geskeduleer word. Uitsonderings sal egter gemaak word waar leerders gespesialiseerde mediese behandeling moet ontvang van besoekende spesialiste. In hierdie gevalle versoek ons ons ouers om vakansietye vir hierdie doel aan te wend. Versoeke dat kinders tuis moet bly, of vroeër huis toe moet gaan om bv. bestuurderslisensies te verkry ens., sal nie toegestaan word nie.
- 4.6 'n Mediese sertifikaat word vereis in die geval van afwesigheid met eksamen / bevorderingstoets, sodat reëlins getref kan word dat leerder die toets op 'n later datum skryf. Vir enige afwesigheid tydens dae waarop amptelike toetse geskryf word, moet skriftelik kennis aan die skoolhoof gegee word.

5. SPORT

- 5.1 Dit is in die leerder se eie belang dat hy/sy aan een of ander sportsoort deelneem. Daar word verwag dat hy/sy 'n sportsoort kies en nie onttrek nie tensy hy/sy 'n geldige rede het.
- 5.2 Leerders wat i.v.m. skoolsport of -funksies elders gaan, moet tydens kort roetes in skooldrag of skoolsweetpakke geklee wees. Tydens langer roetes word leerders toegelaat om in voorgeskrewe rydrag te reis. Tydens die verrigtinge by die bestemming moet leerders in skooldrag geklee wees.
- 5.3 Stiptelike by oefeninge en wedstryde word van leerders verwag.
- 5.4 Leerders wie se name op die kennisgewingbord verskyn vir deelname aan een of ander sportsoort (of ander skoolbedrywighede) mag nie sonder verlof van die betrokke onderwyser(-es) afwesig wees nie en hy/sy moet die onderwyser(-es) betyds van onttrekking in kennis stel.
- 5.5 Leerders moet die voorgeskrewe sportdrag dra.
- 5.6 'n Goeie sportman/-vrou eerbiedig reëls en die beslissing van die skeids- regter of betrokke beamptes ; 'n goeie toeskouer eerbiedig altyd beslissings van die skeidsregter of betrokke beamptes en gee krediet vir mooi spel.

6. ALGEMEEN

- 6.1 Die sekretaresse word slegs voor skool en gedurende pouses gespreek. Van hierdie reël word slegs in dringende gevalle afgewyk.
- 6.2 Indien leerders die hoof wil spreek, word 'n afspraak by die sekretaresse gemaak.
- 6.3 Van leerders word vereis om die voorgeskrewe skooldrag te dra en om die reëls met betrekking tot persoonlike netheid na te kom.
- 6.4 Leerders wat by hierdie skool ingeskryf is, is te alle tye onderworpe aan die reëls van Hoërskool Duineveld en daar word van hulle verwag om te alle tye korrek op te tree.

6.5 Tasse moet stewig wees sodat dit genoegsame beskerming aan die boeke daarin bied. Slegs die naam van die leerder in drukskrif word buite op die tas toegelaat - geen ander geskryf nie.

6.6 Leerders van Hoërskool Duineveld betoon respek teenoor :

- 6.6.1 Die landsvlag en volkslied
- 6.6.2 Amptelike landstale
- 6.6.3 Onderwysers
- 6.6.4 Hulle meerderes
- 6.6.5 Die skool se eiendom
- 6.6.6 Skooldrag
- 6.6.7 Die skoollied en erekode
- 6.6.8 Hul medemens

Leerders wat enige van die skoolreëls oortree, sal gestraf word na gelang van die erns van die oortreding en in ooreenstemming met die magte en bevoegdhede wat deur die wet aan die skoolhoof of sy gevolmagtigde verleen word.

7. NETHEIDSREËLS VIR MEISIES

7.1 HARE

Haarlengte Agter :

Nie langer as onderkant die kraag nie. (Indien dit wel langer is, word die hare vasgemaak of vasgesteek met een soort knippie, maar dit moet netjies lyk). Indien hare korter as die voorgeskrewe lengte is, maar dit vertoon onnet, moet dit vasgemaak word.

Kort hare moet netjies geknip wees met geen lang dun punte wat uithang nie.

Kante :

Los stukke moet agter ore vasgesteek word.

Vasmaak van Hare :

Hare mag nie terselfdertyd in vlegsels én poniesterte gedra word nie. Dus - òf die een òf die ander.

Vir lang hare word *GEEN* haarstyle toegelaat nie. Lang hare moet met vloodblou, swart, wit of bruin haarrekkies vasgemaak word.

Geen groot rolknippe of enige ander soort knippe word toegelaat nie.

Geen uitspattige kleursel, onooglike kartelings of onooglike byderwetse haarstyle sal toegelaat word nie.

Haarversierings :

- Bolletjies - slegs vloodblou, swart of wit (nie geel of wit nie).
- Linte – vloodblou, swart of wit.
- Haarknippe of krammetjies – slegs vloodblou of silwer of goud (nie geel of wit nie).
- Alice-band - dun band sonder enige byvoegsels. In die kleure vloodblou, wit, bruin of swart.
- Haarknippies moet dieselfde vorm en kleur hê. Dieselfde geld vir die haar- kamme.
- Onder geen omstandighede mag hare voor of na skool losgemaak word terwyl 'n leerder in skooluniform geklee is nie.
- Gejelde hare word toegelaat as dit gekam is en nie regop staan nie.

7.2 GRIMERING

Geen grimering mag gedra word nie - al lyk dit ook hoe natuurlik of "onsigbaar".

Probleemvelle mag nie toegesmeer word met een of ander middel wat soos onderlaag lyk nie. Grimering moet deeglik verwyder word. Geen tatoeërmerke word toegelaat nie.

7.3 NAELS

- Naels moet kort wees en nie oor vingerpunte steek nie.
- Al die meisies mag kleurlose naellak dra (nie die pienkerige tipe nie). Toonnaels mag nie naellak aanhê nie.

7.4 JUWELE

- Geen armbande (behalwe Medic Alert)
- Geen hangertjies (behalwe Medic Alert)
- Geen ringe
- Geen enkelkettings
- Geen tong "studs" - geen ringe of "studs" in enige sigbare liggaamsdeel nie.
- Geen naeltjieringe
- **Oorbelle**
Slegs "studs" (sonder steentjies) - net die klein ronde tipe.
Gewone klein ooringetjies mag gedra word tot en met 'n deursnee van 1,5cm.

LET WEL : Slegs een ooring / "stud" in elke oor in die onderste gaatjie wat op die normale plek op die oorbel moet wees.

Verskillende vorms en verskillende soorte oorbelle / ooringe mag nie gelyktydig gedra word nie. Niks mag aan die ooringetjies gehang word nie.

- **Horlosies** - slegs horlosies met 'n gestandaardiseerde bandjie (bruin/swart/wit goud/silwer) kan gedra word. Geen aanhangsels aan die horlosiebandjie nie.

7.5 KLEREDRAG

7.5.1 Wintersdrag (Algemeen)

- Das word gedra en dasknope moet stewig vasgetrek wees.
- Die hemp se boonste knoop moet vas wees en nie oorhang nie.
- Geen gebreide kouse mag gedra word nie - slegs die gewone dik- of dungeweefde skoolkouse.
- Grys, lang kouse mag gedra word. (sonder enige motief)
- Slegs die skooltrui mag gedra word, m.a.w. geen sweetpakbaadjie of ander trui mag gedra word nie.
- Slegs swart skoolskoene (geen moderne skoene nie).
- Baadjies mag uitgetrek word en oor arm gedra word, nie oor skouer nie. (Baadjies moet met respek hanteer word.)
- Hou baadjie se bo-sak skoon en leeg - geen roosters, dagboekies, penne, ens. nie. (Dit geld vir die somer ook.)
- Soomlengte : Geknielde posisie 15cm bokant knie.
- Skoene moet skoon en blink wees.
- Geen los some of knope en los gordels nie.

7.5.2 Die volgende tipes wintersdrag vir meisies kan gedra word.

- (a) Skoolromp, wit langmouhemp, das, baadjie en swart, lang sykouse. Hierdie is dan ook die *UITSTAPDRAG*. M.a.w. by alle amptelike skoolfunksies (prysuitdelings, oueraande, ens.) en geleenthede waar die skool verteenwoordig word, moet slegs hierdie drag gedra word.
- (b) Langbroek (soos voorgeskryf) moet te *alle tye saam met 'n baadjie en das* gedra word met *swart of vlootblou skoolsokkies*.
- (c) By nrs. (a) en (b) kan 'n trui wel onder die baadjie gedra word as die leerder dit so verkies. Geen trui sonder 'n baadjie word toegelaat nie.

- (d) Moulose trui mag slegs *onder* baadjie gedra word.
- (e) By die skoolhemp (langmouhemp) en das mag daar wel grys lang kouse gedra word sonder enige motief.

7.5.3 Somersdrag

- Geen LO -klere of T-hempies mag onder skoolklere gedra word nie - al steek dit ook nie uit nie. (Dit geld ook vir die winter.)
- Geen vleeskleurige kouse mag saam met die wit sokkies gedra word nie.
- Slegs swart skoolskoene soos voorgeskryf.
- Voorgeskrewe oopnek-kortmouhemp / langmouhemp met moue tot bokant elmoog opgerol.
By saalbyeenkomste : Someruniform met skooldas.

7.5.4 Seniorsdrag (slegs Gr.12 meisies)

Hierdie drag is nie verpligtend nie.

Skoolskoene met swart lang sykouse kan gedurende skooldag daarby gedra word, maar by skoolfunksies (bv. Prysuitdelings) moet netjiese skoene gedra word.

In die somer kan 'n kortmouhemp en das by romp gedra word, maar in die winter moet 'n langmouhemp, das en trui daarby gedra word.

8. NETHEIDSREËLS VIR SEUNS

8.1 HARE

Kuiflengte - Voorkop moet oop wees. Kuif mag nie aan wenkbroue raak nie.

Agterkant - Hare mag nie aan kraag raak nie en mag nie 'n "wal" vorm nie. Geen "step" word toegelaat nie.

Sykante - As hare reguit afgekam word, mag dit nie oor die bopunt van die ore hang nie.

Bakkebaard - Tot in middel van oorholte.

Hare moet te alle tye netjies vertoon en geen uitspattighede sal geduld word nie. Gejelde hare word toegelaat as dit wel gekam is en nie regop staan nie.

Geen uitspattige kleursel, onooglike kartelings of onooglike byderwetse haarstyle sal toegelaat word nie.

8.2 BAARDE EN SNORRE

Indien dit nodig word vir seuns om te skeer, moet hulle *ELKE DAG* glad geskeer wees.

8.3 VERSIERINGS

Geen versiering van watter aard ook al sal by seuns toegelaat word nie.

Die volgende is ten strengste verbode :

Halssnoere, ooringe, armbande, ringe, enkelringe, tongringe of "studs" en tatoeërmerke.

Slegs halssnoere of armkettings wat 'n allergie aandui, word toegelaat. (Medic Alert).

Horlosies - slegs horlosies met 'n gestandaardiseerde bandjie (bruin/swart/wit goud/silwer) kan gedra word. Geen aanhangsels aan die horlosiebandjie nie.

8.4 KLEREDRAG VIR SEUNS

8.4.1 Winter

- Lang skoolbroek.
- Skoolsokkies by langbroek.
- Swart toerygskoen (geen "buckle"-skoene)
- Swart lyfgordel met onopsigtelike gespe.
- Langmou-skoolhemp - boonste knoop toegeknoop en nie oorhang nie.
- Skooldas of akademiese das - vasgetrek.
- Voorgeskrewe V-nek skooltrui. Geen sweetpakbaadjies mag gedra word nie.
- Wanneer Skoolbaadjies gedra word, mag dit uitgetrek word en oor arm gedra word (nie oor skouers). Baadjies moet met respek hanteer word.
- Leerders kan in die klaskamers hul baadjies uittrek.
- Middelste knoop van die baadjie moet vasgemaak word waar etiket dit vereis.
- Hou baadjie se bo-sak skoon en leeg - geen roosters dagboekies, penne, ens. nie. Dit geld vir die somer ook.
- 'n Frokkie of wit T-hemp (waarop niks gedruk is nie) mag onder hemp gedra word.

8.4.2 Somer

- Kort of lang skoolbroek.
- Lang skoolkouse by kortbroek en kort skoolsokkies by langbroek.
- Voorgeskrewe oopnek-kortmouhemp / langmouhemp met moue tot bokant elmboog opgerol.
- Slegs swart toerygskoene soos voorgeskryf.
- Swart lyfgordel met onopsigtelike gespe.

9. LAPELWAPENS

Slegs skoolverwante tipe wapens word toegelaat bv :

- Eerstespanbalkie wat bestaan uit 'n goue reghoekige metaal aansteekbalkie
- Leierskapsbalkies soos vir Graadraad enVRL
- Matriekbalkie
- Erekleure & halferekleure balkies wat toegeken word, moet direk onder die skoolwapen gedra word. Daarna moet ander balkies 1cm vanaf mekaar vasgewerk word (onder mekaar).
- Top Tienbalkies
- Verenigings wat in Duineveld bestaan. Alle lapelwapens moet die goedkeuring van die skoolhoof en die erekleure komitee dra.

10. ALGEMEEN

- Personeel en VRL-lede behou hulle die reg voor om enige leerling aan te spreek en te straf indien sy voorkoms onnet of sy gedrag swak is.
- Geen kougom word toegelaat nie.
- Skooldrag moet altyd netjies en skoon wees. Daar mag niks op die kleurknopies, wapentjies, tasse, of res van die uniform, geteken, geskryf of geplak word nie.
- Leerders mag nie met hande in baadjiesakke, broeksakke (of onder trui ingesteek) loop nie.
- Knope en some moet vasgewerk wees en nate moet nie losgetorring wees nie.
- Voorkoms moet deurentyd die skooluniform tot eer strek.

**11. VOORSKRIFTE TEN OPSIGTE VAN LEERDERS SE KLERE / VOORKOMS BY SKOOLFUNKSIES
WAAR SKOOLDRAG NIE VEREIS WORD NIE**

1. Leerders moet te alle tye netjies en betaamlik geklee wees wanneer hulle in die openbaar verskyn.
2. Leerders wat bostaande reëls oortree, sal nie weer by skoolfunksies toegelaat word nie.